



БУЛГАН АЙМГИЙН ЗАСАГ ДАРГЫН ЗАХИРАМЖ

2022 оны 12 сарын 30 өдөр

Дугаар А/810

Булган сум

Барилга байгууламжийг ашиглалтад оруулах тухай

Монгол улсын засаг захиргаа, нутаг дэвсгэрийн нэгж, түүний удирдлагын тухай хуулийн 60 дугаар зүйлийн 60.1, Барилгын тухай хуулийн 35 дугаар зүйлийн 35.1,6 дах заалт, 49 дүгээр зүйлийн 49.1, Архив, албан хэрэг хөтлөлтийн тухай хуулийн 16 дугаар зүйлийн 16.4, 17 дугаар зүйлийн 17.1 дэх заалт, Монгол улсын Засгийн газрын 2021 оны 212 дугаар тогтоолоор батлагдсан "Барилга байгууламжийг ашиглалтад оруулах тухай дүрэм"-ийг тус тус үндэслэн ЗАХИРАМЖЛАХ нь:

1. Булган аймгийн Хишиг-Өндөр сумын 5-р багийн нутагт баригдсан Төвлөрсөн дулаан хангамжийн системийн барилга байгууламжийн гүйцэтгэл нь ажлын зураг төсөл, норм дүрэм, стандартын шаардлагад нийцэж байгаа нь барилга байгууламжийг ашиглалтад оруулах комиссын 2022 оны 11 дүгээр сарын 15-ны өдрийн 48/2022 дугаар дүгнэлтээр батлагаажсан тул дулаан үйлдвэрлэх төв, инженерийн шугам сүлжээний зориулалтаар 2022 оны 11 сарын 15-ны өдрөөс байнгын ашиглалтад оруулсугай.

2. Энэхүү барилга байгууламжийн туршилт тохируулгын хугацааг 2023 оны 11 сарын 15-ны өдөр хүртэл тооцох ба ашиглалт хариуцсан буруугаас шалтгаалсан эвдрэл, гэмтэл, ажлын хариуцлагаас шалтгаалан хэрэглэгч нарт учирсан хохирлыг тухайн ажлын хариуцагч "Хишиг дулаан" ХХК-ийн хөрөнгөөр засуулахыг захиалагч Хишиг-Өндөр сумын Засаг дарга (Н.Мөнхгэрэл)-д даалгасугай.

3. Цаашид Хишиг-Өндөр сумын төвд ус хангамж, ариутгах татуургын төвлөрсөн систем ашиглалтад орсноор ашиглалтыг мэргэжлийн байгууллагын хувьд хариуцан ажиллахыг "Хишиг дулаан" ХХК (Д.Мягмарсүрэн)-д даалгасугай.

4. Барилгын ажлын зөвшөөрөлд заасан нөхцөл, зураг төслийн дагуу гүйцэтгэснийг баталгаажуулсан эрх бүхий байгууллагын ашиглалтад оруулах комиссын дүгнэлтийг үндэслэж, ажлын долоон өдрийн дотор ашиглалтын гэрчилгээ олгож ажиллахыг Мэргэжлийн хяналтын газар (Б.Батболд)-д үүрэг болгосугай.

5. Барилга ашиглалтын дүрмийг чанд мөрдөж, барилгын хувийн хэргийн хөтлөлтийг тогтмолжуулан барилга байгууламжид дур мэдэн өөрчлөлт хийх, ашиглалтын горимыг зөрчихгүй ашиглахыг "Хишиг дулаан" ХХК (Д.Мягмарсүрэн)-д даалгасугай.

6. Төр хувийн хэвшлийн хамтын ажиллагааны гэрээний хэрэгжилтэнд хяналтыг хэрэгжүүлж жил бүрийн халаалтын улирлын өмнө хэрэглэгч нартай хийгдэж байгаа гэрээний нөхцөлд анхааран, халаалтын улирлын дараа хэрэглэгч бүрээс ирүүлсэн гэрээ дүгнэсэн актыг нэгтгэн дүгнэж тайлагнаж ажиллахыг Хишиг-Өндөр сумын Засаг дарга (Н.Мөнхгэрэл)-д даалгасугай.

7. Ашиглалтад оруулсан барилга байгууламжийн баримт материалыг холбогдох хууль тогтоомжийн дагуу зөвхөн эх хувиар нь хүлээн авч архивын нэгж үүсгэн хадгалахыг Төрийн архивын тасаг (Д.Батсайхан)-д үүрэг болгосугай.

6322011109

8.Ашиглалтад орсон барилга байгууламжийг Барилгын тухай хуулийн 14 дүгээр зүйлийн 14.6 дах заалтын хэрэгжилтэд хяналт тавьж ажиллахыг Газрын харилцаа, барилга хот байгуулалтын газар (Ү.Бямбасүрэн)-д даалгасгай

ЗАСАГ ДАРГА



Б.АРИУН-ЭРДЭНЭ